



ZYRA E RREGULLATORIT PËR ENERGJI  
REGULATORNI URED ZA ENERGIJU  
ENERGY REGULATORY OFFICE

# LICENCË PËR PRODHIM TË ENERGISË ELEKTRIKE

DHËNË :

**KORPORATËS ENERGIJETIKE TË KOSOVËS SH.A**

**Divizioni i Gjenerimit, TC Kosova A**

**Numri i Regjistrimit: ZRRE/Li\_05/17\_A**

Prishtinë, 00 mars 2017



KREU I: TERMAT E LICENCËS.....	3
KREU II: KUSHTET E LICENCËS.....	5
Neni 1: Përkufizimet .....	5
Neni 2: Llogaritë e Ndara për Aktivitetin e Gjenerimit .....	6
Neni 3: Shitja e Prodhimit dhe Ndalimi i Ndër-subvencioneve.....	7
Neni 4: Ndalimi i Diskriminimit.....	7
Neni 5: Pajtueshmëria me Kodin e Rrjetit, Kodin e Matjes dhe legjislacionin tjetër në fuqi.....	7
Neni 6: Sigurimi i rezervave të lëndëve djegëse .....	7
Neni 7: Masat e efiçencës.....	7
Neni 8: Dispeçingu Qendror .....	8
Neni 9: Shërbimet Ndihmëse dhe Balancuese .....	8
Neni 10: Caktimi i Operatorit .....	9
Neni 11: Rregullat e Tregut .....	9
Neni 12: Shëndeti dhe Siguria .....	9
Neni 13: Mjedisi.....	9
Neni 14: Puna .....	10
Neni 15: Regjistrimi dhe Heqja e Aseteve Relevante .....	10
Neni 16: Obligimi i Sigurimit.....	10
Neni 17: Ndryshimi në Kontrollin e të Licencuarit .....	10
Neni 18: Obligimet e Shërbimit Publik .....	11
Neni 19: Sigurimi i Informacioneve ndaj ZRRE-së .....	11
Neni 20: Vazhdimi, Modifikimi, Pezullimi, Transferimi dhe Ndërprerja e Licencës.....	12
Neni 21: Taksat.....	12
Neni 22: Masat Administrative dhe Gjobat.....	12
Neni 23: Zgjidhja e Kontesteve.....	12



1. **Zyra e Rregullatorit për Energji** (në tekstin e mëtejshëm "ZRRE"), në pajtim me autoritetit e dhënë me Ligjin për Rregullatorin e Energjisë (Ligji nr. 05/L-084), Nenin 18 të Ligjit për Energjinë (Ligji nr. 05/L-081), Ligjin për Energjinë Elektrike (Ligji Nr. 05/L-085) dhe Rregullën për Licencimin e Aktiviteteve të Energjisë në Kosovë, nëpërmjet kësaj i modifikon Korporatës Energjetike të Kosovës ("KEK SH.A") SH.A-Divizionit të Gjenerimit, Licencën për prodhim të energjisë elektrike (me numër licence ZRRE/Li\_05/13\_A), nga centrali gjenerues Kosova A, **tani me numër regjistrimi ZRRE/Li\_05/17\_A** (në tekstin e mëtejshëm "i Licencuari").
2. Kapaciteti nominal (i instaluar) i Njësive Gjeneruese (prodhuese) të TC Kosova A është: njësia A1- 65 MW, A2 - 125 MW, A3 - 200 MW, A4 - 200 MW, A5 - 200 MW.
3. Kapaciteti aktual në disponim i Njësive Gjeneruese (prodhuese) është: njësia A1-0 MW, A2- 0 MW; A3 – 135/115 MW; A4 –135/115 MW; A5 – 135/115 MW.
4. I Licencuari duhet të veproj në përputhje me dispozitat dhe kushtet e specifikuar në këtë licencë, Ligjin për Energjinë Elektrike dhe ligjet e tjera, rregulloret, rregullat dhe kodet në fuqi.
5. I Licencuari duhet të ofroj kapacitetin e tij në mënyrë transparente, jo-diskriminuese dhe të bazuar në treg tek të gjithë konsumatorët në tregjet me shumicë dhe pakicë të energjisë elektrike, duke përfshirë ata nën obligimin e shërbimit publik, në përputhje me Nenin 7 të Ligjit për energjinë elektrike.
6. Në përputhje me kërkesat e legjislacionit në fuqi dhe kësaj licence, i Licencuari do ta menaxhojë në mënyrë më ekonomike centralin e gjenerimit të energjisë elektrike, dhe duhet:
  - 6.1 të përdor në centralet e tij energjetike ato burime kryesore të energjisë që i konsideron si më të përshtatshme duke pasur parasysh dizajnin e njësive , me kusht që të jetë në pajtim karakteristikat teknike, kushtet mjedisore që përfshihen në licencat e tyre dhe në legjislacionin në fuqi;
  - 6.2 të kyçë centralin elektrik në Sistemin e Transmisionit ose Sistemin e Shpërndarjes, sipas kushteve të përcaktuara në kodet dhe rregullat përkatëse;
  - 6.3 të injektoj energji në Sistemin e Transmisionit ose Sistemin e Shpërndarjes, nën kushtet e specifikuar në kodet relevante dhe rregulloret, në pajtueshmëri me udhëzimet e operatorit të relevant të sistemit;
  - 6.4 të realizojë pagesën e duhur sipas kontratave.
  - 6.5 të kryej funksione të tjera të caktuara nga legjislacioni në fuqi dhe kjo licencë.
7. Licenca vlen nga data **04 Tetor 2006** dhe do të vazhdojë të jetë e vlefshme gjatë kohëzgjatjes teknike të pjesëve kryesore të centralit ekzistues që përdoren për kryerjen e aktiviteteve relevante, deri më **04 Tetor 2017**.
8. Në rast të ndryshimit në kapacitetin e njësive gjeneruese të Kosovës A, i Licencuari menjëherë do të njoftoj ZRRE-në.

9. Në pajtim me Nenin 36 të Ligjit për Rregullatorin e Energjisë, kjo licencë e modifikuar, tani me numër regjistrimi ZRRE/Li\_05/17\_A, i lëshohet Korporatës Energjetike të Kosovës (KEK) SH.A, Divizionit të Gjenerimit, TC Kosova A, për aktivitetin e prodhimit të energjisë elektrike dhe hynë në fuqi me datë 00.00.2017.

E vulosur me vulën e rëndomtë të Zyrës së Rregullatorit për Energji

Nënshkruar: (në emër të Bordit të ZRRE-së) \_\_\_\_\_.



### Neni 1: Përkufizimet

1. Shprehjet e përdorura në këtë licencë do të kenë kuptimin si në vijim:

**“Shërbime Ndhmëse”** nënkupton shërbimet e blera në kuadër të Kontratës për Shërbimet Ndhmëse, siq është përcaktuar në Rregullat e Tregut.

**“Vit financiar”** - periudha prej 1 Janar deri më 31 Dhjetor të të njëjtit vit kalendarik.

**“Njësi gjenerimi”** - çdo central apo pajisje për prodhim të energjisë elektrike.

**“Rregulla të Tregut”** – është dokumenti me emër të tillë, i aprovuar nga ZRRE, në përputhje me Ligjin për Energjinë Elektrike;

**“Përgjegjësia e Balancimit”** - ka të njëjtin kuptim si në paragrafin 3.1.3 të Ligjit për energjinë elektrike.

**“Konsumator fundor”**- ka kuptimin e përcaktuar në Ligjin për Energjinë Elektrike.

**“Person i ndërlidhur”** – ka kuptimin e përkthyer në Nenin 225.1 të Ligjit për Shoqëritë Tregtare 02/L-123.

**“Legjislacion”** – nënkupton Ligji për Energjinë (Ligji nr. 05/L - 081), Ligji për Rregullatorin e Energjisë (Ligji nr. 05/L - 084), Ligji për Energjinë Elektrike (Ligji nr. 05/L - 085) si dhe çdo legjislacion tjetër primar apo sekondar që rregullon sektorin e energjisë.

**“Kodet”**- rregullat teknike të zhvilluara nga Operatori i Sistemit të Transmisionit dhe Operatori i Sistemit të Shpërndarjes në kuadër të Ligjit për Energjinë Elektrike dhe të aprovuara nga ZRRE, në pajtueshmëri me Ligjin për Energjinë.

**“Kontratë Bilaterale”**- Marrëveshje për shitjen e energjisë elektrike tek blerësit, në përputhje me Nenin 22, paragrafin 2 të Ligjit për Energjinë Elektrike.

2. Termet e përdorura në këtë licencë do të kenë të njëjtin kuptim si termet e përdorura në Legjislacionin në fuqi.



## Neni 2: Llogaritë e Ndara për Aktivitetin e Prodhimit

1. I Licencuari do të përgatis Pasqyrat Financiare Vjetore në përputhje me Udhëzimet Rregullative për Kontabilitetin, të nxjerrë nga ZRRE-ja dhe do t'i dorëzoj ZRRE-së një kopje të Pasqyrave Financiare të audituara, brenda tre (3) muajve, pas përfundimit të vitit financiar. Llogaritë e brendshme duhet të jenë të ndara për aktivitetet e prodhimit nga llogaritë e brendshme për aktivitetet e tjera, sikur këto aktivitete të kryheshin nga ndonjë ndërmarrje tjetër.
2. I Licencuari do të dorëzoj në ZRRE Pasqyrat Financiare Vjetore të audituara nga auditori i pavarur, në përputhje me Standardet Ndërkombëtare të Raportimit Financiar, brenda afateve të përcaktuara me ligjet në fuqi për raportimin financiar.
3. I Licencuari në kontabilitetin e tij të brendshëm do të mbajë kontabilitetin për aktivitetin gjenerues në tërësi, si dhe për aktivitetet tjera. Kontabiliteti rregullativ do të jetë në përputhje me Udhëzimet Rregullative për Kontabilitet, dhe ndër të tjera, mund të specifikoj:
  - 3.1 formën e deklaratave/regjistrave të kontabilitetit rregullativ, duke përfshirë, por duke mos u kufizuar vetëm në llogaritë e fitimeve dhe humbjeve, bilancet, fitimet e njohura dhe deklaratat e humbjeve, rrjedhjen e parave të gatshme dhe deklaratat për shumat e të ardhurave vjetore, kostove, asetëve, borxheve, rezervave ose furnizimeve, të cilat janë tarifuar nga ndonjë biznes tjetër, ose janë përcaktuar nga alokimi ose shpërndarja midis aktiviteteve prodhuese të konsoliduara dhe ndonjë aktiviteti tjetër;
  - 3.2 natyrën dhe përmbajtjen e deklaratave/regjistrave të kontabilitetit rregullativ, duke përfshirë informacione mbi lloje të specifikuara të të ardhurave vjetore, shpenzimeve, asetëve ose borxheve, dhe informacione mbi të ardhurat vjetore, asetet, shpenzimet dhe borxhet nga aktivitetet e specifikuara;
  - 3.3 parimet dhe politikat e kontabilitetit rregullativ (duke përfshirë bazat për alokimin e shpenzimeve).
4. Në lidhje me deklaratat e kontabilitetit rregullativ për sa i përket vitit financiar, i Licencuari nuk do të ndryshoj bazat e ngarkesave, shpërndarjes ose alokimit nga ato që janë përdorur në vitin financiar paraprak, përveçse nëse ZRRE-ja nxjerr më parë udhëzimin relevant ose jep aprovimin me shkrim për ndryshimin e këtyre bazave.
5. I Licencuari do të veproj në pajtueshmëri me çdo udhëzim të nxjerrë nga ZRRE-ja dhe legjislacioni në fuqi.

### **Neni 3. Shitja e Prodhimit dhe Ndalimi i Ndër-subvencioneve**

1. I Licencuari mund të shes kapacitetin dhe/ose energjinë e tij lirshëm tek blerësit nën kushtet dhe afatet, duke përfshirë kushtet e çmimit, të vendosura:
  - 1.1 në marrëveshje bilaterale ndërmjet të Licencuarit dhe blerësit; ose
  - 1.2 me referencë në rregullat e ndonjë tregu të organizuar në të cilin i Licencuari është pjesëmarrës;

në secilin rast duke iu nënshtruar vetëm kërkesave të kufizimit të çmimit për Obligimin e Shërbimit Publik të vendosur mbi të Licencuarin, sipas Nenit 17 të kësaj Licence.

2. Gjatë kryerjes së aktiviteteve të tij të licencuara, i Licencuari duhet të siguroj se ngarkesat e tij për operim në treg nuk janë rritur apo ulur si rezultat i marrjes apo dhënies së ndonjë ndër-subvencioni (direkt apo të tërthortë) nga ose në emër të ndonjë aktiviteti të tillë të të Licencuarit ose ndonjë personi të nërlidhur, korporate apo ndonjë subjekti fizik apo juridik.

### **Neni 4: Ndalimi i Abuzimit të Pozitës Dominuese**

1. Të Licencuarit i ndalohet abuzimit i pozitës së tij dominuese, siq përcaktohet në Nenin 23 të Ligjit për Energjinë dhe legjislacionit në fuqi.
2. Nëse ka dyshim për abuzim nga i Licencuari, në përputhje me paragrafin 1 të këtij Neni, ZRRE do të njoftoj Autoritetin Kosovar të Konkurrencës dhe do të vendos masa administrative dhe gjoha mbi të Licencuarin, siq përshkruhet në Nenin 57 të Ligjit për Rregullatorin e Energjisë.

### **Neni 5: Pajtueshmëria me Kodin e Rrjetit, Kodin e Matjes dhe legjislacionin tjetër në fuqi**

I Licencuari do të veproj në përputhje me dispozitat e Kodit të Rrjetit, Kodit të Matjes dhe legjislacionin në fuqi.

### **Neni 6: Sigurimi i rezervave të lëndëve djegëse**

1. I Licencuari do të përgatis planin për rezervat e lëndëve djegëse, sipas Nenit 9 të Ligjit për Energjinë Elektrike si dhe legjislacionit sekondar të lëshuar nga ministria përkatëse.
2. I Licencuari do të veproj në përputhje me çdo dispozitë që përcakton llojin dhe masën e minimumit të rezervës së lëndëve djegëse si dhe legjislacionin sekondar të Ministrisë përkatëse dhe Kodet në fuqi.

### **Neni 7: Masat e efiçencës**

1. Brenda gjashtë muajsh pas hyrjes në fuqi të kësaj Licence të ndryshuar, i Licencuari duhet të dorëzoj në ZRRE për informim, një program të masave të propozuara që do të ndërmerren për të ngritur efiçencën e gjenerimit nga njësitë e tij gjeneruese, në pajtueshmëri me Nenin 7, paragrafi 4 të Ligjit për energjinë elektrike dhe legjislacionit

sekondar, udhëzimeve apo direktivave të leshuara nga ZRRE apo ndonjë organ tjetër kompetent.

2. Programi i masave të specifikuar në paragrafin 1 duhet të shoqërohet nga një analizë e kostove dhe përfitimeve të masave të propozuara, dhe faktorët e marrë parasysh nga i Licencuari.
3. Për aq gjatë sa ZRRE kërkon, i Licencuari duhet t'i raportoj ZRRE-së deri më 31 dhjetor të secilit vit mbi:
  - 3.1 progresin drejt implementimit të masave të propozuara, sipas kushteve të paragrafit 1, dhe
  - 3.2 fitimet e efikasitetit që kanë rezultuar nga masat e implementuara.

## **Neni 8: Dispeçingu Qendror**

1. I Licencuari do të raportoj të gjitha njësitë e gjenerimit në dispozicion tek Dispeçingu Qendror i Operatorit të Sistemit të Transmisionit, kurdo që kërkohet nga Dispeçingu Qendror, sipas Kodit të Rrjetit Elektrik dhe Rregullave të Tregut.
2. I Licencuari, do t'i siguroj Operatorit të Sistemit të Transmisionit, të gjitha informacionet e kërkuara, në mënyrë që ta mundësoj operimin e sistemit të Dispeçingut Qendror, në kohën dhe mënyrën e kërkuar nga Kodi i Rrjetit.

Në këtë Nen:

**"Në dispozicion"** - në lidhje me çdo njësi gjenerimi nënkupton njësinë e gjenerimit që është në dispozicion, në përputhje me Kodin e Rrjetit.

**"Dispeçingu Qendror"** – nënkupton procesin e planifikimit dhe lëshimit të udhëzimeve direkte lidhur me dispeçimin e njësive gjeneruese të disponueshme nga Operatori i Sistemit të Transmisionit.

## **Neni 9: Shërbimet Ndhmëse dhe Balancuese**

1. I Licencuari do t'i ofroj shërbimet ndhmëse dhe balancuese nga njësitë e tij gjeneruese tek çdo operator i sistemit që kërkon shërbime të tilla në pajtueshmëri me dispozitat e kodeve të aplikueshme.
2. Kur kushtet e ofruara nga i Licencuari janë të pranueshme për Operatorin e Sistemit, atëherë palët mund të hyjnë në një marrëveshje.
3. Nëse operatori i sistemit konteston kushtet e ofruara nga i Licencuari sipas paragrafit 2 të këtij Neni, ZRRE-ja do të përcaktoj çdo kusht të marrëveshjes që është në mospërputhje sipas Rregullës për Zgjidhjen e Ankesave dhe Kontesteve në Sektorin e Energjisë.





4. Nëse operatori i sistemit procedon në bazë të kushteve të përcaktuara nga ZRRE, i Licencuari duhet të hyj në marrëveshje për shërbime ndihmëse ose balancuese dhe do ta zbatoj atë në përputhje me kushtet e saj.

5. I Licencuari, sipas kërkesës së ZRRE-së, do ti dorëzoj ZRRE-së raportin me detajet si në vijim:

5.1 çmimet e ofruara për sigurimin e shërbimeve ndihmëse dhe balancuese nga çdo njësi gjeneruese e të Licencuarit; dhe

5.2 detajet lidhur me kostot e të Licencuarit për sigurimin e shërbimeve ndihmëse ose balancuese.

### **Neni 10: Caktimi i Operatorit**

1. I Licencuari do të emëroj një person të kualifikuar dhe me përvojë përkatëse që të jetë përgjegjës për operimin e çdo njësie gjeneruese të përfshirë në licencë. Para emërimit të ndonjë personi të tillë, i Licencuari duhet të siguroj pëlqimin me shkrim nga ZRRE-ja.

2. Nëse personi nuk është kompetent që të kryej atë detyrë, ZRRE, përmes njoftimit me shkrim dhënë të Licencuarit, mund të kërkoj zëvendësimin e atij personi.

3. ZRRE, sipas paragrafit 2 të këtij Neni, do të përcaktoj se cilat kritere do të merren parasysh në shqyrtimin e kompetencës, në përputhje me kriteret që lidhen me njohuritë dhe aftësitë profesionale, përvojën, si dhe me kriteret që lidhen me kërkesat për mbrojtje dhe sigurim të gjenerimit.

### **Neni 11: Rregullat e Tregut**

1. I Licencuari do të veproj në përputhje me Rregullat e Tregut.

2. I Licencuari do të ketë përgjegjësi balancuese dhe do të kryej të gjitha obligimet e tij në mënyrë të shpejtë, të plotë dhe të saktë, në pajtueshmëri me legjislacionin, kodet dhe rregullat në fuqi.

### **Neni 12: Shëndeti dhe Siguria**

1. I Licencuari duhet t'i ndërmerr të gjitha veprimet e nevojshme për t'i mbrojtur personat nga lëndimet dhe dëmtimet që mund t'u shkaktohen atyre nga ana e të Licencuarit gjatë ushtrimit të aktivitetit të Prodhimit, në përputhje me Legjislacionin në fuqi.

2. I Licencuari në përputhje me legjislacionin në fuqi, do të kryej kontrolle teknike dhe të sigurisë së kapaciteteve të gjenerimit në baza vjetore, dhe rezultatet e një kontrolli të tillë do t'i dërgojë në ZRRE, sa herë që kjo kërkohet nga ZRRE-ja.

### **Neni 13: Mjedisi**



1. I Licencuari do t'i dërgoj ZRRE-së kopje të Lejes Mjedisore për mbrojtjen e mjedisit dhe dokumentet tjera të lëshuara nga ministria përkatëse për mjedis. I Licencuari duhet të veproj në pajtueshmëri me legjislacionin në fuqi për mbrojtjen e mjedisit në Kosovë.
2. I Licencuari do t'i raportoj ZRRE-së për çdo vit mbi aktivitetin e tij mjedisor.

#### **Neni 14: Puna**

I Licencuari, lidhur me marrëdhënien në punë dhe sigurinë në punë, do të veproj në pajtim me legjislacionin në fuqi në Kosovë.

#### **Neni 15: Regjistrimi dhe Heqja e Aseteve Relevante të të Licencuarit**

1. I Licencuari do të zhvilloj dhe mirëmbaj një regjistër të të gjitha asetëve relevante dhe duhet ta dorëzoj atë në ZRRE, së bashku me ndonjë ndryshim në regjistër, jo më vonë se 31 Janari, i çdo viti.
2. I Licencuari nuk do të shes apo heq dorë nga kontrolli funksional mbi ndonjë aset relevant, nëse kjo do të ndikoj në aftësinë për ti kryer obligimet e tij apo nëse aseti ka vlerën e zëvendësimit mbi njëqindmijë euro ( 100,000.00 € ).
3. Në rastet kur i Licencuari dëshiron të tjetërsoj asetet apo pasuritë tjera që përdoren në ushtrimin e aktivitetit të licencuar, i Licencuari është i detyruar të njoftojë me shkrim ZRRE-në. I Licencuari mund të bëj tjetërsimin e ndonjë aseti pas aprovimit me shkrim nga ZRRE.

Në këtë Nen:

**“Tjetërsim”** - çdo shitje, transferim, dhurim, dhënie me qira, hua, hipotekë, ngarkim, kufizim mbi shfrytëzimin (qoftë ky fizik ose ligjor) ose ndonjë ngarkesë tjetër, si dhe lejimin e ndonjë ngarkese ndaj një Biznesi tjetër të të Licencuarit ose pale të tretë.

**“Aset Relevant”** - konsiderohet të jetë çdo pronë apo pajisje që përdoret nga i Licencuari në ushtrimin e aktiviteteve të dhëna me këtë Licencë, përfshirë çdo interes ligjor apo të dobishëm për ndonjë tokë apo objekt, dhe çdo pronësi intelektuale.

#### **Neni 16: Obligimi i Sigurimit**

1. I Licencuari do të bëjë sigurimin e asetëve në pajtim me legjislacionin në fuqi në Kosovë.
2. I Licencuari do të lidh kontrata për sigurimin e asetëve të gjenerimit dhe për pajisjet që përdoren për prodhim të energjisë elektrike. Kontratat e tillë do t'i dërgohen ZRRE-së për rishikim në baza vjetore.

#### **Neni 17: Ndryshimi në Kontrollin e të Licencuarit**

1. I Licencuari do të njoftoj ZRRE-në për ndonjë ndryshim që pritet në kontroll, së paku gjashtëdhjetë (60) ditë paraprakisht. Ndryshimi në kontroll nuk do të jetë efektiv deri sa nuk aprovohet nga ZRRE.



2. I Licencuari do të njoftoj ZRRE-në për çdo ndryshim të strukturës organizative të të Licencuarit. Njoftimi i tillë do t'i dërgohet ZRRE-së jo më vonë se tri (3) ditë nga data e çdo ndryshimi të tillë.

### **Neni 18: Obligimet e Shërbimit Publik**

I Licencuari do të kryej çdo obligim të shërbimit publik që mund t'i vendoset nga ZRRE-ja, në përputhje me Nenin 51 të Ligjit për Rregullatorin e Energjisë.

### **Neni 19: Sigurimi i Informacioneve ndaj ZRRE-së**

1. I Licencuari do t'i dorëzoj ZRRE-së informacione, raporte dhe kontrata në mënyrën dhe në afatet që ZRRE-ja mund t'i konsideroj të nevojshme.
2. Nëse i Licencuari, në përputhje me Rregullën për Informatat Konfidenciale, kërkon që ndonjë informacion i caktuar të konsiderohet si konfidencial, atëherë është i obligim i tij që të shënoj atë informacion si konfidencial dhe të arsyetoj kërkesën e tij në ZRRE. ZRRE do të shqyrtoj kërkesën e tillë në pajtim me Rregullën për Informatat Konfidenciale.
3. I Licencuari do të raportoj në ZRRE në çdo kohë lidhur me rrethanat e shitjes tek blerësit, duke përfshirë (pa kufizim) volumet, faktorët e ngarkesës, kushtet e përfundimit, afatet dhe kohëzgjatjen e marrëveshjeve përkatëse.
4. I Licencuari do të emëroj një person kryesor përmes të cilit do të ketë lidhje komunikimi me Operatorin e Sistemit të Transmisionit dhe Operatorin e Tregut. Adresa, numri i telefonit, numri i faksit ose adresa elektronike e personit të tillë do t'i dërgohen Operatorit të Sistemit të Transmisionit dhe Operatorit të Tregut.
5. I Licencuari duhet t'i dorëzoj ZRRE-së detajet për çdo ndryshim në informata që janë të dërguar gjatë aplikimit për këtë licencë.

Në këtë Nen:

**"Informacioni"** - materiali që në çdo formë dhe pa asnjë kufizim do të përfshij çdo kontratë, libër, dokument, regjistër, kontabilitet, llogaritje (statusore ose tjetër), vlerësim, kthim ose raport të çdo përshkrimi dhe çdo shpjegim (gojor ose me shkrim) në lidhje me këto informacione që mund të jenë kërkuar nga ZRRE.

### **Neni 20: Vazhdimi, Modifikimi, Pezullimi, Transferimi dhe Ndërprerja e Licencës**

1. ZRRE mund të vazhdoj, modifikoj, pezulloj dhe ndërpres këtë licencë në përputhje me Ligjin për Rregullatorin e Energjisë dhe Rregullën për Licencimin e Aktiviteteve të Energjisë në Kosovë.

2. ZRRE mund të transferoj këtë licencë në përputhje me Ligjin për Rregullatorin e Energjisë dhe Rregullën për Licencimin e Aktiviteteve të Energjisë në Kosovë, por duke u siguruar që obligimet e licencës mund të kryhen nga i Licencuari tjetër dhe nëse konsumatorët nuk do të dëmtohen për shkak të një transferimi të tillë.

### **Neni 21: Taksat**

I Licencuari do t'i paguaj ZRRE-së çdo taksë fillestare dhe vjetore të caktuar sipas Rregullës për Taksat, të nxjerrë nga ZRRE-ja.

### **Neni 22: Masat Administrative dhe Gjobat**

1. Në rast shkeljeje të dispozitave të legjislacionit në fuqi përfshirë Rregullat e nxjerra nga ZRRE apo Nenet dhe kushtet e kësaj Licence apo udhëzimet e dhëna të Licencuarit nga ana e ZRRE-së, ZRRE ka kompetenca që t'i vendos të Licencuarit masa administrative dhe gjoba, në përputhje me Nenin 57 të Ligjin për Rregullatorin e Energjisë dhe Rregullën për Masat Administrative dhe Gjobat.
2. Masat administrative dhe gjobat mund t'i vendosen ndërmarrjes si subjekt juridik si dhe personave përgjegjës të ndërmarrjes.
3. Shuma e gjobës do të vlerësohet në pajtim me Ligjin për Rregullatorin e Energjisë dhe Rregullën për Masat Administrative dhe Gjobat.

### **Neni 23: Zgjidhja e Kontesteve**

1. Çdo kontest që paraqitet apo është i lidhur me aktivitetet e licencuara do të zgjidhet në përputhje me Rregullën për Zgjidhjen e Ankesave dhe Kontesteve në Sektorin e Energjisë, të nxjerrë nga ZRRE-ja.
2. Vendimet e ZRRE-së lidhur me ndryshimin, pezullimin, ndërprerjen dhe transferin e licencës si dhe vendimet lidhur me gjobat si rezultat i shkeljeve të kushteve të licencës apo shkeljes së ligjeve të aplikueshme, mund të kontestohen nga i Licencuari në gjykatën kompetente sipas ligjeve në fuqi.